

quidē ineptis hominib. cauendū: eos vt vigilant monendos: se prudentiorē iam factū, quā vt possit amplius vllas allici in insidias? atqui hoc est omniū quę ille conatur summū. Quin etiā rarò frustra, vt homines (eos præsertim qui authoritate valent, quorūq; in prudentia vigilantiaque sita esse Ecclesiæ videatur salus omnis) in talem de se adducat opinionem.

Ego verò certissimè persuasum habeo vt quisque à Satanæ laqueis longissimè se abesse sibi persuadet: ita eum illis esse proximum: quid dico proximū? immò eū illis iam quàm arctissimè constrictum teneri. Scilicet Tyrunculus cui cum callidissimo veterano sit negocium, non in maximo semper versaretur periculo. Sis enim tanta prudentia, sagacitate, sapientia, rerum vsu, vt omnes homines facile antecedas; quid adhuc præ illo fueris, nisi nouus miles? Quòd eò sanè à me non dicitur: quia ad eius actus, dolosq; declinādum, nihil spei relictum videri velim. Est omnino spes, & illa quidem certissima. Sed quibus? profectò non suæ nitentibus prudentiæ, aut sagacitati; neq; securis, oscitantibus, sibiq; nō cauentibus: aut ijs qui quali cū hoste res sit non considerant: proptereaq; contemnunt: sed ijs qui, cū pericula probè comperta habeāt, pro periculorum magnitudine idonea ad resistendum, hostemq; repellendum arma sibi comparant, quæ arma pulchrè describit Paulus.

*Diabolus
incausis in-
hiat.*